

西南稀見方志文獻

第五十卷

中國西南文獻叢書



中國西南文獻叢書·第一輯

江苏工业学院图书馆
藏书章

西南稀見方誌文獻

第五十卷

中國西南文獻叢書
第五十卷

本輯主編：林超民

張學君

王水喬

副主編：高衝 尹波

陳寶生 蕭霽虹

王強

本卷目錄

鷄足山志	〔清〕釋者大錯原纂 範承勳	一
鷄足山志補	〔民國〕趙藩 李根源輯	二三三
青城山記	〔清〕彭洵編輯	三二三
峨山圖志	〔清〕黃錫燾 黃綬芙 譚鐘岳 編繪	三五九
碧玉泉志稿	〔清〕段昕撰	四三七
峨眉山志	〔民國〕僧釋印光 纂修	六三九
雲南山川志	〔明〕楊慎撰	七四三

【清】

釋者大錯
範承勲

原纂
增修

鷄足山志

《鷄足山志十卷首一卷》，清釋者大錯原纂，範承勲增修。承勲字蘓公，沈陽人，官雲貴總督、兵部右侍郎兼都察院右副都御史。本書據清康熙三十一（公元一六九二年）刻本影印，原書成品尺寸爲二十六厘米乘十六點五厘米，版框尺寸爲十五點五厘米乘十一點五厘米。

序

雞山青秀甲天下與峨嵋並華天龍
宮相為伯仲茅以僻處滇西照荒
南之士鮮有出其地者然而歷攬山川非
有煙霞之癖在介胸中山水之緣徒夢
寐不可與言迹不紛農夫估子歲之空
以其得佳甚能領異山川之勝者哉何者

序

粵人先生則大異焉先生江左名士六章經
濟傾軋步世又性好吟咏閱歷山川咸適天
下所到之處無不為題詩而咸快余嘗侍
臨觀焉今春有雅士之遊爰作述記及登
山諸什序次錯後為柳州華君詩刻以
隨之遺不圖凡譽觀其杖履而至筆歌墨
舞有淋漓出處之想而雞山名勝畢羅其

序

善不子雖推心目間者先生所云身歷而得
適望而得神會而得之語洵非詭人也余流
浪滇西十有餘載當窺慕斯山之勝未能一
探其奇今而後將日誦先生之記步詩以
省跡迹又何必戒行李命僕夫問道所從
惟云暢遊此外是為序

吳門同學方陸翼持題



雞足山志序

余宦轍所經頗與山水有緣尋嵩抵洛歷華之秦泛洞庭詣廬嶽臨浙濤探禹穴其間奇峰幽壑川月溪泉賢蹤聖路寶刹琳宮以及懸虹飛瀑古木名花平生意想不到之境靡不飫聞饜見而獨於滇西雞足山余心不能無憾焉自奉

第一

命撫滇榮歷兩任因駐節昆明

與山相距數百里無從假道一往每於公餘退食披讀滇志中遊山諸記亦第就其人偶爾所至觸目濡毫以自寫其登眺臨流之致而於山之勝概巨觀呈奇競秀變幻莫可名狀者何能包舉無遺對此茫茫既乏探幽之便又鮮博物

第二

之書山靈寂寞未免笑人
此余所以不能無憾也辛
未冬

制軍范公巡歷金江順遊
名勝慨然增修山志事既

叙三

竣寺僧捧志呈覽流連諷
誦於山水形勢得起伏流
峙之由於星辰分野得經
緯昭回之度於雲霞草木
得霏布滋蔓之容於仙綱

叙四

佛窟得貝葉琪花之派於
文章宗旨得杼靈標性之
機於蟲魚鳥獸得屈伸動
植之理別類分門搜鉅剔
細栩栩然覺神遊其際而

五百里之名山勝地近在
磨丹漬墨間也播諸中邦
洵爲方外之奇傳諸奕葉
並壽不刊之典且此書出
而臥遊有具余亦得藉以


告無憾耳是爲序

肯

康熙三十一年八月既望

廣寧王繼文序

叙三



叙

雞足山志序

雞足山得名於宇內其來已久余少時嘗聞遊滇者談其勝心竊慕之然在萬里荒徼外名可得聞地不可得而至也今

上二十五載奉

命總制滇黔意以爲雞山之遊

或可得遂及抵滇駐節於

昆明池上詢此山蓋在葉

榆境內距省尙數百里每

披滇乘頗得其概心益艷

之然束於官守雖欲登覽

而莫由也辛未冬奉

旨巡歷金沙江因會提軍於

賓川城下甫獲假道一遊

信宿而登絕頂周覽形勢

方知此山發脉西域來龍

萬里盤迴紆鬱三嶺前伸

一岡後距儼然雞足焉中

序三

界二溪支分派衍恍有山
陰道上千巖競秀萬壑爭
流之致顧而樂之因向寺
僧索山志僧曰無之因詰
之曰斯山得名已久雖遠
居荒徼往古無論已自明
迄今三百餘載豈無高人
達士徜徉探覽紀其勝於
車塵馬足之餘者乎僧曰
昔曾有志創於徐弘祖輯

序四

於僧大錯疊罹兵燹板爲
火燬舊本散失無存間有
存者亦不能無不純不備
之感余以巡歷事迫疾驅
去之今年春忽寺僧持舊
志殘編至且請增修余思
此山爲滇西名勝不可無
紀退食之暇聊爲刪其蕪
陋補其闕略付寺僧梓之
雖余以倉卒經行未暇冥

搜幽討備述其奇然而斯

山之勝約具於此世有慕

其名而未獲至其地者一

覽是編俾萬里荒徼之山

川可一旦而遊於几席之

序五

近豈非快事歟至於山寺

土田多在賓鄧二州間盈

縮無常增損不一其田糧

賦役自有有司主之志內

俱略而弗載懼混也是爲

序

康熙三十一年歲次壬申

孟秋月穀旦

總督雲南貴州等處地方

軍務兼理糧餉兵部右侍

序六

郎兼都察院右副都御史

加三級瀋陽范承勲蘓公

氏題



雞足山志序

擅天地之靈奇者無如山水
而能闡山水之靈奇者賴有
人文是則山水之在天地非
文而何能發揮若是哉昔謝
靈運在當世其步履非不遍
探索非不深乃獨遺一雁蕩
是豈時之有顯晦良由足之
有至有不至耳如雞山屬在
西域稱名已久自釋迦佛於
靈山拈花以示正法眼藏教
外別傳之旨特以衣鉢付囑

迦葉命入定雞山以待彌勒
歷周孝王至今三千餘季事
載經書豈虛誕而無所攷述
哉然在向來名公鉅卿軒車
或未一至卽至亦僅信宿而
返未獲畱以文詞於是名山

冰岸一

佳勝不同於草木之無聞也
鮮矣昔有人識鐵船探玉策
必經數日登陟載之以文是
乃所謂搜奇覽勝者矣蓋雞
山去中華極遠文獻少所徵
信自大鎔和尚纂修成志雞

山之勝槩乃傳屹然與普陀
丑臺峨眉並峙其志雖不備
美而志實始於此辛未冬

制府范公奉

簡命巡歷諸邊乃於公暇卽登臨

焉復捐金建閣其上揮如椽

之筆燦珠玉之章頓使佛土

生光山靈起色將與燕然之

石永垂奕禩山水之賴人文

顧不重哉後之採風者披覽

之下瞭然若指諸掌謹序

臨濟三十二世香海本元冰

整謹誤



舊序

嘗讀天下名山記見吾鄉蛾眉瓦至青城以及瞿塘澗預巫峽三峽之奇勝無不入名人筆底供其發揮而獨滇雲鷄足一山絕無紀述心甚訝之及庚子春以按部便過鷄山訪鎔師詢及山志闕如也始知滇雲古屬西域附中國版圖最後前代名賢罕至其地雖相如閩僑先後來遊維時荒昧未闢賦詠寥寥唐宋以來復淪于絕裔南詔阻化數百餘年雞山雖勝其不得附于山經水志高人才士之翰墨也宜哉余既承乏一方為此山長迄今不亟爲修輯以救前人之失後死者其得與于斯文也哉幸大鎔和尚以江東大儒棲禪于此余因率山中比丘共爲拜請俾爲纂修始于春正成于夏孟凡佛祖之跡山川之奇梵剎人物之盛以及詩文物產之繁富靡不旁搜博採潤漆摛華體物狀情窮工盡態有是志書遊觀者可以觸發其才氣想像者可以舒暢其性情修攝者可以澄汰其塵滓余遊雞山不過三日遂以公事去恨未得盡

雞足山志

卷之首

舊序

一

沈天錫
浙江

其萬一夢魂昔爲神住幸志書告成往復讀之一丘一壑朗然心目以當臥遊無憾矣昔人窮洞庭兩山十七日不能盡得禹書靈文以歸殆余今日之謂與因付之剞劂願與海內好奇者共之也

雞足山志

卷之首

舊序

二

建造而三塔又有四天王菩薩律師事乃知此卽佛苦行之地在宋以前版圖未附中國故中原人以爲遠而異之及今耳目相習又以爲近而疑之無足怪也庚子春以便道遊鷄山適大鎔和尚有修誌之事余索其稿讀之山水之奇佛化之異以及寺宇人物之名盛無不搜羅辨析靡有疑誤余不覺神飛眉舞因爲探歷幽險窮四觀峯華首門之奇跡天險萬仞陡矗危削信乎其爲佛地也然二十餘年紀載不傳文獻無徵今幸鎔師以昆鄉

顧儒載千秋之史筆記荒外之名山頓使佛教重
光山川生色豈偶然哉夫山水之著述昉于山海
經而縱宕于水經一注後人雖極意樵點終不能
出其範圍今錯師羅正變之鴻藻集今古之大成
雖柳河東一代名手山水諸記最稱奇削視此瞭
乎後矣余幸與泰訂之職因不揣荒昧合十讚歎
而爲之序

大錯和尚 俗名錢那芭江南人

嘗讀尚書至禹貢見其辨土宜物產必先詳山水

雞足山志 卷之首 舊序

三

之源流界域及見唐一行論星氣占測則專以河
山爲界而不係於州國夫河山旣以占星氣則其
中之災祥修禱自當與國政民事爲盛衰始知聖
人著述關繫微渺固儒者所宜討論也吳越春秋
及越絕書皆言禹得金簡玉書於衡岳乃知山川
之理使伯益作山海經旣告成功藏於洞庭之苞
山龍威丈人竊之以獻閭廬維時童謠有云天地
大文不可舒可知文章之道與山川相終始非細
事矣漢桑欽著水經原始崑崙星宿鄺道元因爲

之註古今山川物類奇險幽遐一披覽焉而薄海
內外瞭如指掌從來史官撰述無不援引其說以
相證據不能異也攷歷代史書之外有郡邑志多
詳城郭賦貢風俗別有名山志則專載山水寺院
人物詩文之類夫豈哆炫輿博哉亦所以存藝史
之遺文備作史者之徵信耳余自甲午祝髮貴筑
卽慕滇中鷄足之勝思欲一遊以叩迦葉入定之
處至己亥冬始得登山遊覽攀崖捫壑搜奇弔古
歷數十日而其奇未厭也越庚子春未孩曹公偶

雞足山志 卷之首 舊序

四

爾來遊向山中比丘索志書一觀衆乃瞠然應以無
有曹公曰茲山爲尊者道場與五臺峨嵋曾陀九
華並稱域內久矣而志書闕焉使遊覽考古者茫
然無從問津豈非我輩之責哉次日卽率僧衆向
余拜請俾撰述以充名山夫山水之文豈易言哉
嘗上下千百年間自應劭封禪儀諸葛武侯黃牛
廟記及柳河東遊記之外佳者蓋寥寥焉且余自
投跡空門惟習禪觀之學筆墨荒廢久矣安敢以
寡昧之質謬當重任辭之再三不得勉爲網羅放